

Oostfreeske Teezeremonie

*Dree
Koppkes Tee
is Oostfresen-
recht.*



Eintrag im
Bundesweiten Verzeichnis

Oostfriesische
Teekultur

2016 hett de UNESCO-Kommission
de „Oostfriesische Teezeremonie“ in de
bundeswied List van dat Immateriell
Kulturarvgood opnohmen.



ostfriesland.travel



ostfriesischelandschaft.de

Oostfreeske Teezeremonie

En kommodig Teetied mit Kluntje un Wulkje höört to en typisk Dag in Oostfreesland eenfach daarto. De Tee word in Oostfreesland neet blot drunken, man dat Teedrinken word na all Regels van de Künst fiert.

DAT HÖÖRT D'RTO:

- **echt Oostfresentee**
- **1 Waterketel** of Waterkoker
- **week Water**
- **1 Treckpott** mit Teebessen
- **1 Teestoo** mit en Teelücht
- **Teekoppkes** un Teelepels
- **1 Kluntjepott** mit Kluntjetang
- **1 Rohmgüütje** mit Rohmlepel

SO WORD DAT MAAKT:

- 1.** De Treckpott mit heet Water utspölen, de **Teebladen** (keen Büdeltee) in de Treckpott doon, sowat **4 Teelepels je Liter Water**, heel na d' Smaak.
- 2.** De Tee mit kokend Water upgeten. De Treckpott is denn blot sowat to **een Dardel** vull. De Tee sull tüsken **dree un fiev Minüten** trecken.
- 3.** Daarna word de Treckpott mit kokend Water vullmaakt un up en **Stoo** sett. Of man nimmt en dübbelwandig Treckpott to warmhollen.



- 4.** In de Teekoppkes kummt nu **en Kluntje**, daar word denn de Tee overgoten.

En Teebessen sörgt daarför, dat keen Teebladen in de Tassen komen. Man kann ok en Teeseev, en Tee-Ei of Teefilters bruken.

- 5.** De **Rohm** word tegen de Uhrzeigersinn up de Tee leggt. So kann man de Tied anhollen. Un denn stiggt dat **Wulkje** na boven up de Tee.



En echt Oostfresentee word nich umröhrt.

Toerst prøöv't man de Rohm, denn de krachtige Tee un tolest de sööt Kluntje. En Lepel in de Tass wiest an, dat man keen Tee mehr will.